



Avrea Gemma Christianorvm

Ruben, Leonhard

Paderbornae, 1604

III. Ex attributis diuinis probatur diuinitas Christi.

[urn:nbn:de:hbz:466:1-68313](https://nbn-resolving.org/urn:nbn:de:hbz:466:1-68313)

sum, violans pactum patrum nostrorum. Christus Pater futuri seculi. Isai. 9. 6. *Parvulus enim natus est nobis, & filius datus est nobis, & factus est principatus eius super humerum eius, & vocabitur nomen eius Admirabilis, Consiliarius, Deus, Fortis, Pater futuri seculi, Princeps pacis.*

CAPVT IV.

Ex attributis diuinis probatur diuinitas Christi.

I. LOCVS. Ex æternitate. Est enim DEVS æternus, nec principium habens, nec finem, sed est ipse principium & finis. Genes. 21. 33. *Surrexit autem Abimelech & Phicol princeps exercitus eius, reuersiq; sunt in terram Palestinorum. Abraham verò plantauit nemus in Bersabee, & innocauit ibi nomen Domini Dei æterni.* Plura in Thesauro Biblico nostro. tit. Deus. Conuenit verò ea æternitas Christo Domino, vti sapientiæ diuinæ. Prouerb. 8. 23. *Ab æterno ordinata sum & ex antiquis, antequam terra fieret.* Mich. 5. 2. *Et tu Bethlehem Ephrata, paruulus es in millibus Iuda. Ex te mihi egredietur, qui sit Dominator in Israël & egressus eius ab initio à diebus æternitatis.* Quem locum intelligunt de Christo, Scribæ. Matth. 2. 4. 5. 6. *Et congregans omnes Principes Sacerdotum & Scribas populi, sciscitabatur ab eis ubi Christus nasceretur. At illi dixerunt ei in Bethlehem Iuda: Sic enim scriptum est per Prophetam, Et tu Bethlehem terra Iuda nequaquam minima es in principibus Iuda: ex te enim exiet dux, qui regat populum meum Israël.*

C

Ioan. 18

Ioan. 1. 1. 2. 3. *In principio erat verbum, & Verbum erat apud Deum, & Deus erat Verbum. Omnia per ipsum facta sunt, & sine ipso factum est nihil, quod factum est. Ibidem. capit. 8. 58. Dixit eis Iesus. Amen, Amen dico vobis, antequam Abraham fieret, ego sum. Cap. 17. 5. Et nunc clarifica me tu Pater apud te ipsum claritate, quam habui prius, quam mundus esset apud te. Hebr. 7. 3. Sine Patre, sine matre, sine genealogia, neq; initium dierum, neque finem vita habens, assimilatus autem filio Dei, manet sacerdos in perpetuum. Ibidem cap. 13. 8. Iesus Christus heri & hodie, ipse & in secula. Colos. 1. 16. Quoniam in ipso condita sunt vniversa, in caelis & in terra, visibilia & inuisibilia, sine Throno, sine Dominationes, sine Principatus, sine Potestates, omnia per ipsum & in ipso creata sunt. Psal. 80. 10. Non erit in te Deus recens, neq; adorabis Deum alienum.*

II. Ex bonitate Dei. Deus solus bonus. Luc. 18. 19. *Dixit autem ei Iesus. Quid me dicis bonum? nemo bonus nisi solus Deus. Psal. 105. 1. Confitemini Domino quoniam bonus, quoniam in seculum misericordia eius. Christus vt vera sapientia, est imago bonitatis Dei. Sap. 7. 25. 26. Vapor est enim virtutis Dei, & emanatio quadam est claritatis Omnipotentis Dei sincera: Et ideo nihil inquinatum in eam incurrit. Candor est enim lucis aeternae, & speculum sine macula, Dei maiestatis, & imago bonitatis illius. Bonus omnino. Matth. 20. 15. Aut non licet mihi quod volo facere? an oculus tuus nequam est,*

DE CHRISTI IESV DIVINITATE. 35

est, quia ego bonus sum? Ac demum pastor bonus. Ioan. 10. 11. *Ego sum pastor bonus.* Quod & ibidem probat, quia posuit animam pro ouibus suis.

III. Ex immutabilitate. Deus enim omnino immutabilis. Numer. 23. 19. *Non est Deus quasi homo, ut mentiatur: nec filius hominis ut mutetur.* Dixit ergo & non faciet, locutus est, & non implebit? Malach. 3. 6. *Ego enim Dominus & non mutator, & vos filij Iacob non estis consumpti.* Psalm. 101. 26. 27. 28. *In initio tu Domine terram fundasti, & opera manuum tuarum sunt caeli. Ipsi peribunt: tu autem permanes, & omnes sicut vestimentum veterascent, & sicut operitorium mutabis eos, & mutabuntur, tu autem idem ipse es, & anni tui non deficient.* Quae verba per omnia D. Paulus Christo Domino accommodat. Hebr. 1. 10. 11. 12. *Et tu in principio Domine terram fundasti, & opera manuum tuarum sunt caeli, ipsi peribunt tu autem permanes & omnes ut vestimentum veterascent: & velut amictum mutabis eos, & mutabuntur, tu autem idem ipse es, & anni tui non deficient.*

IV. Ex immensitate Dei. Psal. 144. 3. *Magnus Dominus & laudabilis nimis, & magnitudinis eius non est finis.* 3. Reg. 8. 27. *Ergone putandum est, quod verè Deus habitet super terram? si enim caelum & caeli calorum te capere non possunt, quanto magis domus haec, quam aedificani.* Ierem. 23. 24. *Sed occultabitur vir in absconditis, & ego non videbo eum dicit Dominus? Nunquid non caelum & terram*

ram ego impleo dicit Dominus. Hinc Christus descendit de cælo, & est in cælo. Ioan. 3. 13. Et nemo ascendit in calum nisi qui descendit de cælo, filius hominis qui est in celo. Et est in medio duorum aut trium illius nomine congregatorum. Matt. 18. 20. Vbi enim sunt duo vel tres congregati in nomine meo, ibi sum in medio eorum. Baruch. 3. 24. 25. O Israël quam magna est domus Dei, & ingens locus possessionis eius: Magnus est & non habet finem, excelsus & immensus. De Christo loquitur. vt vers. 36. 37. 38. Hic est Deus noster & non aestimabitur alius aduersus eum. Hic adinuenit omnem viam disciplina, & tradidit illam Iacob puero suo, & Israël dilecto suo. Post hac in terris visus est, & cum hominibus conuersatus est.

V. Deus solus potens. i. Timot. 6. 15. 16. Quem suis temporibus ostendet beatus & solus potēs. Rex regum & Dominus dominantium, qui solus habet immortalitatem, & lucem inhabitat inaccessibilem, quem nullus hominum vidit, sed nec videre potest. Cui honor & imperium sempiternum. At Christus est ille Dominus Deus omnipotens, de quo Apoc. 1. 8. Ego sum A. & Ω. Principium & finis, dicit Dominus Deus, qui est, & qui erat, & qui venturus est Omnipotens. Ibidem, cap. 4. 8. Et quatuor animalia singula eorum habebant alas senas: & in circuitu & intus plena sunt oculis, & requiem non habebant die ac nocte, dicentia. Sanctus, Sanctus, Sanctus Dominus Deus Omnipotens, qui erat, qui est, & qui venturus est. Cap. 11. 17. Gratias agi-

mus tibi Domine Deus Omnipotens, quies, qui eras,
 & qui venturus es : quia accepisti virtutem tuam
 magnam & regnasti. Cui data omnis potestas.
 Matth. 28. 18. Et accedens Iesu locutus est eis di-
 cens. Data est mihi omnis potestas in celo & in ter-
 ra. Qui habet hanc potentiam à generatione.
 Ioan. 5. 18. 19. 20. 21. 22. 23 Propterea ergo magis
 querebant eum Iudaei interficere: quia non solum sol-
 uebat Sabbathum, sed & patrem suum dicebat Deū,
 aequalem se faciens Deo. Respondit itaq; Iesus & di-
 xit eis: Amen, Amen dico vobis: non potest filius à
 se facere quicquam, nisi quod viderit patrem facien-
 tem: quaecunq; enim ille fecerit, hac & filius facit. Pa-
 ter enim diligit filium, & omnia demonstrat ei, quae
 ipse facit, & maiora ei demonstrabit opera, ut vos
 miremini. Sicut enim Pater suscitatur mortuos & vi-
 uificat: sic & filius quos vult viuificat. Neq; enim Pa-
 ter iudicat quengquam: sed omne iudicium dedit filio,
 ut omnes honorificent filium, sicut honorificant Pa-
 trem, qui misit filium. Ut quasi solus consideratus
 nihil à se possit facere. Versu 30. Non possum ergo
 à me facere quicquam: Sicut audio, iudico: & iudi-
 cium meum iustum est, quia non quero voluntatem
 meam, sed voluntatem eius qui misit me.

VI. Ex sapientia Dei, cuius non est nu-
 merus. Psalm. 146. 5. Magnus Dominus noster
 & magna virtus eius, & sapientia eius non est nu-
 merus. Et solus sapiens. Rom. 16. 27. Soli sapienti
 Deo, per Iesum Christum, cui honor & gloria in sae-
 cula saeculorum: Amen. In Christo verò omnes

thesauri sapientiæ sunt absconditi. Collof. 2. 3. In quo sunt omnes thesauri sapientiæ & scientia absconditi: Imò Christus est Dei sapientia. 1. Cor. 1. 24. *Ipsis autem vocatis Iudæis atq; Græcis, Christum Dei virtutem & sapientiam.* Hinc omnia teste D. Petro nouit. Ioan. 21. 17. *Dicit ei tertio: Simon Ioannis amas me? Contristatus est Petrus, quia dixit ei tertio, Amas me? & dixit ei. Domine tu omnia nosti, tu scis quia amo te: dixit ei, pasce oues meas.* Locum verò Matth. 24. 30. *De die autem illa & hora nemo scit, neq; Angeli caelorum, nisi solus Pater,* Referunt Sancti Patres ad humanitatem Christi, vt sit sensus, nec filius id scit, ex natura suæ humanitatis. Ita Athanasius oratione in illud, omnia mihi tradita sunt à Patre meo. Cyrillus. nono libro Thesauri. cap. 4. Ambrosius in caput 17. Lucæ. & alij.

VII. Quia habet templum vt Deus, quod colligitur ex Malach. 3. 1. 2. *Ecce ego mitto Angelum meum, & preparabit viam meam ante faciem meam, & statim veniet ad templum suum Dominator quem vos quaritis, & Angelus testamenti quem vos vultis. Ecce venit dicit Dominus exercituum, & quis poterit cogitare diem aduentus eius? & quis stabit ad videndum eum?*

VIII. Inuocatur & adoratur etiam ab Angelis. Hebr. 1. 6. *Et cum introducit primogenitum in orbem terra, dicit: Et adorent eum omnes Angeli Dei.*

CAPVT